

**«Հայաստանի պետական տնտեսագիտական համալսարան»
պետական ոչ առևտրային կազմակերպության գիտական խորհուրդ**

Ո Ր Ո Շ ՈՒ Մ
27 փետրվարի 2015 թվականի

**«Ուսանողական գիտական ընկերության (ՈՒԳԸ) խորհրդի
հաշվետվությունը կատարված աշխատանքների մասին» հարցի մասին**

Լսելով և քննարկելով «Ուսանողական գիտական ընկերության (ՈՒԳԸ) խորհրդի հաշվետվությունը կատարված աշխատանքների մասին» հարցը (զեկուցող՝ ուսանողական գիտական ընկերության խորհրդի նախագահ, տնտեսագիտության թեկնածու Վ.Գ.Գևորգյան)՝ գիտական խորհուրդն արձանագրում է՝ անցած մեկ տարվա ընթացքում ուսանողական գիտական ընկերությունն արդյունավետորեն կատարել է իր գործառույթները:

Հաշվետու ժամանակահատվածում կազմակերպվել է ՈՒԳԸ 36-րդ նստաշրջանի առաջին փուլը, որն անցկացվել է 2013 թվականի դեկտեմբերին, մասնակցել է 92 ուսանող (նախորդ տարի՝ 78): 2014 թ. մարտին կատարվել են նստաշրջանի երկրորդ փուլի նախապատրաստական աշխատանքները. զեկույցները տրվել են գրախոսման, զեկուցման ենթակա է եղել 40 աշխատանք, սակայն երկրորդ փուլը տեղի չի ունեցել:

Համալսարանի ուսանողները մասնակցել են նաև այլ բուհերի կազմակերպած գիտաժողովների, կլոր սեղանների, բանավեճերի և մրցույթների:

Գիտական խորհուրդը, միաժամանակ, նշում է, որ ՈՒԳԸ նպատակների լիարժեք իրագործման համար կատարվող աշխատանքները դեռևս բարելավման կարիք ունեն:

Ելնելով վերոնշյալից՝ գիտական խորհուրդը **որոշում է.**

1. ՈՒԳԸ աշխատանքները գնահատել բավարար:

2. Հանձնարարել ամբիոնների վարիչներին՝

- 1) ամբիոնների նիստերում հաստատել ՈՒԳԸ տարեկան աշխատանքների թեմաների ուղղությունները.
- 2) նշանակել ամբիոնային ՈՒԳԸ պատասխանատուներ և գիտական ղեկավարներ ամբիոնների փորձառու դասախոսներից:

3. Հանձնարարել դեկաններին՝

- 1) քննարկել և մշտապես վերահսկել ՈՒԳԸ աշխատանքները ֆակուլտետներում և ամբիոններում.
- 2) ասպիրանտուրայի ընդունելության գործընթացում կարևորել մասնակցությունը ՈՒԳԸ նստաշրջաններին՝ որպես պարտադիր գործոն:



4. Հանձնարարել ՈԻԳԸ խորհրդին՝

- 1) հրատաակության ներկայացնել ՈԻԳԸ տարեկան նստաշրջանի լավագույն զեկույցները.
- 2) մշակել և ներկայացնել ուսանողներին ՈԻԳԸ աշխատանքներով զբաղվելու խթանման ծրագրեր.
- 3) ներկայացնել ՈԻԳԸ կանոնադրության փոփոխության նախագիծ.
- 4) հաստատել գիտական կապեր ՀՊՏՀ-ի հետ համագործակցող բուհերի ՈԻԳԸ-ների հետ:

5. Որոշման կատարման նկատմամբ հսկողությունը վերապահել գիտության բաժնի պետ Խ.Ա.Մխիթարյանին:

Գիտական խորհրդի նախագահ

Կ. Լ. Աթոյան

27.02.2015 թ.

